



## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

XLII. Si quis per verba de praesenti aliquam desponsauerit, licet ea incognita aliam acceperit & cognouerit, ab ea debet separari, & primae adhaerere. Si vero promissio facta est tantum de futuro, de ...

**urn:nbn:de:hbz:466:1-15588**

te recipiam in meam, & ego te in meum: Si alius mulierem despousauit & traduxit, & si inter primos iuramentum fuit (sicut diximus) de futuro, huius despousationis intuitu secundum non poterit separari matrimonium, sed eis est de violatione iuramenti pœnitentia iniungenda. De aliis vero qui coram te super despousatione facta per consensum mutuum de præsenti, mouent controuersiam, & post appellationem ante sententiam, vel cognitionem causæ ad sedem apostolicam interponunt, & appellatione pendente accipiunt alias in vxores: hoc arbitramur agendum, vt si amodo in tali casu aliqui duxerint appellandum, eis in ecclesia publice interdicas, ne ante decisionem causæ aliud contrahant matrimonium: & si contra interdictum ecclesiæ, ita publice factum, venire præsumperint: matrimonium tam præsumptuose contractum poteris irritare. De illis vero qui in minori ætate despousantur, traduntur, & coniunguntur, & processu temporis diuortium postulant, minorem allegantes ætatem, aut vim sibi a parentibus factam: hoc inquisitioni tuæ præsentibus literis respondemus, quod si ita fuerint ætati proximi, quod potuerint copula carnali coniungi, minoris ætatis intuitu non debent ab inuicem separari, si vñus in alium visus fuerit consensisse, cum ætatem videatur supplesse malitia: sed cuiuscumque fuerint ætatis, se possunt per illatam violentiam excusare, nisi post violentiam consensus accedat.

Ætate sup-  
pleri mali-  
tia.

## C A P. X L I I .

Illud quoque nihilo minus ex tua inquisitione innotuit, quod cum quædam libera mulier per annos decem & ultra cuidam seruo scienter cohabitauerit, & ab eo fuerit carnaliter cognita, nunc ipsum afferit suum non esse maritum, pro eo quod testes despousationis non comparent. Verum vir eam vendicat in vxorem, & ostendit publicum instrumentum, quo se se coniuges nouerant, & propter quod ipsum ei donationem fecisse propter nuptias apparat. Mulier vero instrumentum illud vitiosum fuisse fatur, & plures testes produxit, quod seruus ille ab inimicis mulieris sape rogatus, vt eam despousaret, & ille se non eam despousasse, nec despousaturam firmiter asserebat. Vir autem non nisi publico instrumento, & quibusdam

ANNO CHRISTI 1179. testibus, qui viderant eam annulos deferentem, mulierem propriam probauit esse vxorem. Sed mulier, de more illarum quæ panes \* mulierum vendunt, se annulos detulisse. Vnde quoniam in huiusmodi dubietate fama vicinæ magis debet attendi, tua solitudinis erit famam inquirere, vtrum prædictus vir in lecto eam & in mensa sicut suam vxorem, aut concubinam habuerit: & si fama loci habet, quod vir ipsam sicut uxorem tenuerit, cum matrimonium fit coniunctio maris & feminæ, indiuiduam vitæ consuetudinem renitens: cogenda est mulier, vt eidem viro affectu seruat coniugali, præsertim si præscriptum instrumentum ab eo \* cognitum fuerit, qui suum officium fideliter adimpleuerit.

\* leg. reti-  
nens:

Matrimonii  
diffinitio.

C A P. XLIII. *Idem \* Exonensi episcopo.*

Præterea hi qui iurant de matrimonio contrahendo: vsque, Si autem promiserunt, coniungant. Si autem sibi in uicem id remittere voluerint, ne forte deterius inde contingat, vt tales sibi ducat, quam semper odio habeat, videtur quod ad instar eorum qui societatem iuramento, vel fidei interpositione contrahunt, & postea eamdem sibi remittunt, hoc possit in patientia tolerari.

Pars illius  
cap. Super  
eo quod a  
nobis.

C A P. XLIV. *Ex Concilio Moguntino B. lib. 5.*

In baptismo, vel chrismate non potest alium suscipere in filium, qui non est baptizatus vel confirmatus.

C A P. XLV.

*Item ex Concilio apud Compendium.*

Si quis presbyter ordinatus reprehenderit se non esse baptizatum, baptizetur, & iterum ordinetur: & omnes quos ipse baptizauit.

C A P. XLVI.

*Item ex Concilio habitu apud Vvormatiam, cap. 4.*

Mulieres vero cum separatae fuerint pro hac vel alia licita causa a propriis viris, totam præcipimus recipere dotem, quam in die nuptiali receperunt, & post expletum annum, accipient alium virum, si voluerint: similiter & vir uxorem.

B b b b b iii